



COMUNE DE ROMANA

DELIBERATZIONE DE SA GIUNTA COMUNALE N. 2 DE SU 28/01/2021

OGETU: PARTETZIPATZIONE DE SU COMUNE DE ROMANA A SA PROTZEDURA DE MEDIATZIONE PRO SU FALLIMENTU DE SA DITA APALTATRITZE DE SU SERVÌTZIU DE IGIENE URBANA TEAM 3R AMBIENTE - DISPOSIZIONES

S'annu duamìgia e bintiunu sa die bintioto de su mese de Ghennàrgiu a sas oras 15:45, in sa SALA GIUNTA, fatu chi siat esaurimentu de sas formalidades prescritas dae sa Lege de s'Istadu e dae s'Istatutu, s'est reunida sa Giunta Comunale suta sa presidèntzia de su Presidente Sindigu DOT.RA CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DOT.RA CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 4 Ausentes n° 0

Partètzipat su Segretàriu Generale DOT. CARTA GIANCARLO, su cale providit a sa redatzione de su verbale presente.

Essende legale su nùmeru de sos interbènnidos, su Sindigu DOT.RA CATTE LUCIA, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

SA GIUNTA COMUNALE

Premìtidu chi s'art. 73 de su d.l. n. 18/2020, mudadu cun modificatziones dae sa lege n. 27/2020, at istabilidu chi pro cuntrastare e cuntènnere s'isparghidura de su COVID-19 e finas a sa data de sessada de s'istadu de emergèntzia, at prevididu chi sas setziadas de sos consigios e de sas giuntas comunales chi no epant regulamentadu modalidades de acumprimentu de sas setziadas in videocunferèntzia, si podent reunire segundu tale modalidade, cunforma a sos critèrios de trasparèntzia e tratziabilidade istabilidos in antis dae su Sindigu, bastat chi siant individuados sistemas chi cunsentant de identificare cun tzertesa sos partetzipantes, siat assegurada sa regularidade de s'acumprimentu de sas setziadas e bèngiant garantidos s'acumprimentu de sas funtziones segundu s'art. 97 de su d.lgs. n. 267/2000, e puru publitzidade adeguada de sas setziadas in ue prevididu, segundu sas modalidades individuadas dae ogni ente;

Bidu su DPCM 18.10.2020 cun su cale benit istabilidu chi in s'àmbitu de sas AP, sas riuniones s'acumprint in modalidade a distàntzia, francu sa sussistèntzia de resones motivadas;

Bida sa Tzirculare de su Ministèriu de s'internu, Dipartimentu Afares Internos e Territoriales, Direzione Tzentrale pro sas Autònomas, de su 27.10.2020, chi frunit acaramentos in mèritu a sa facultade de s'ente de pòdere tènnere sas setziadas de sos òrganos collegiales dae a tesu o in presèntzia, assigurrende siat sa publitzidade de sa setziada de sos òrganos de sas assembleas, siat totu sas mesuras anticontàgiu si in casu mai sa setziada si acumprat in presèntzia, cales su distanziamentu intrepersonale e s'impreu de sos dispositivos de protètzione individuale;

Verificadu a manera preliminar, a incuru de su Segretàriu Comunale, chi su cullegamentu de s'unicu cumponente in videocunferèntzia (Assessore Sole Valeria) est idòneu a garantire sa possibilitade de atzertare s'identidade de su partetzipante a sa setziada chi interbenit in videocunferèntzia, a permitere un'acumprimentu regulare de s'adunàntzia de cust'òrganu, a atzertare e proclamare sos resurtados de sa votazione e a cunsentire a su Segretàriu Comunale de distinghere a manera crara cantu benit declaradu e deliberadu in s'interi de sa setziada;

Verificadu, in prus, chi totu sos cumponentes in presèntzia sunt positzionados a manera de respetare su distanziamentu e sunt provistos de sos dispositivos de protètzione individuale;

Su Sindigu incrarit sa proposta.

Premìtidu chi

- Cun decurrèntzia 01/06/2017 su servitziu de igiene urbana, agiudicadu a sa Dita "Ekologia della Marmilla" est istadu afidadu, pro àere leadu su postu de un'àteru pro afitu de su ramu de azienda, a sa Dita Team 3R Ambiente cun sede in Orbassano (TO),

giusta Determinazione de su Responsabile de s'Àrea Tènicu-Manutentiva n.227 de su 26/07/2017;

- Sa dita Team 3R Ambiente, in su mese de Aprile de su 2018 no at prus esecutadu a manera regolare su Servitziu afidadu faghende netzessària s'ativazione, suta ordinàntzia n.3 de su 26/04/2018, de unu protzedimentu pro s'individuazione de urgèntzia de unu sostitutu chi diat a interbènnere deretu in sostituzione pro assicurare sa sighida de su Servitziu essenziale bènnidu mancu;
- Cun comunicatzione prot. 1371 de su 30/04/2018 s'est leada cussèntzia chi su Tribunale de Torino, cun sentèntzia de su 12/04/2018 depositada in cantzelleria su 23/04/2018, aiat declaradu su fallimentu de sa Dita Team 3R Ambiente, cun sede in Orbassano (TO);
- Cun notas diferentes, s'ùrtima de sas cales prot. n.4091 de su 04/12/2020 su Comune de Romana est istadu cramadu a partetzipare a una protzedura mediatzione voluntària dae parte de su curadore fallimentare o delegadu suo pro avènnere a su pagamentu de n.2 fatturas emitidas dae sa Dita Team 3R Ambiente e no licuidadas pro bia de un'Atu impostu de pignoramentu a probe a tertzos emitidos dae su Tribunale de Torino e achisidos a sos atos de su Comune de Romana cun su prot. 1032 de su 03/04/2018.

Apretziadu, intesos sos ufizios, chi sussistant motivos bàlidos pro cuntestare totu su pagamentu de sas fatturas a tempus suo ogetu de pignoramentu a probe a tertzos, e chi pro cussu siat oportunu partetzipare a sa protzedura de mediatzione subra torrada a cramare, pro avènnere a una solutzione extragiuditziale e evitare dàbiles atziones legales benidoras, cun sos òneres prus mannos cunsighentes connessos;

Dadu atu chi a s'adòbiu preliminare chi s'est tentu in data 13/01/2021 oras 16:30 in sa sede de Tàtari de sa Società 101mediatori cun sede in Tàtari in Viale Italia n.5, ant leadu parte su Segretàriu Comunale Dot. Giancarlo Carta e su Responsabile de s'Àrea Tènicu-Manutentiva Inz. Luca Maccioni, in su cale ogni parte at espònnidu e cunfrontadu sas resones pròpias cun sa parte contrària e s'est cumbènnidu de rinviare a data imbeniente, su 25/02/2021, sa valutazione pagu prus o mancu de s'intrada efetiva de su Comune de Romana in sa protzedura de Mediatzione proposta;

Apretziadu netzessàriu autorizare a manera espressa sos Dipendentes subra narados pro sa partetzipazione a totu sas setziadas de sa protzedura de mediatzione, fatas e de si acumprire, pro valutare e fàghere bàlere in su protzedimentu sos interessos de s'Amministrazione Comunale, a manera eventuale avenende a una solutzione extragiuditziale de sa vertèntzia, sena chi siat netzessària s'assistèntzia de unu legale;

Cunsideradu chi sa partetzipazione e s'adesione imbeniente eventuale a sa protzedura de mediatzione cumportant òneres pro s'Amministratzione, chi si cantificant in sede attuale in € 48,00 IVA compresa a tìtulu de Diritos de Segreteria, dèpidos, e pagu prus o mancu € 195,00 + € 73,00 in casu de intrada efetiva in mediatzione e de congruida positiva de sa matessi cun sa ratifica de un'acordu;

Bidu su D.Lgs. n. 267/2000 e mm.ii.ii. e in particolare s'art. 48 "Cumpetèntzias de sas giuntas";

Torradu a cramare s'Istatutu comunale aprovadu cun delibera de C.C. n° 3 de su 9 de freàrgiu de su 2011;

Cun votazione de acordu favorèvole de sos presentes,

DELÌBERAT

De acollire sa proposta de partetzipare a sos adòbios de mediatzione pro su fallimentu de sa Dita Team 3R Ambiente tentos e de si tènneru in sa Società 101mediatori, cun sede in Tàtari in Viale Italia n.5;

De incarrigare pro sa partetzipazione a sos adòbios de sos cales subra su Segretàriu Comunale Dot. Giancarlo Carta e su Responsàbile de s'Àrea Tènicu-Manutentiva Inz. Luca Maccioni, puru sena s'agiudu de unu suportu legale;

De dare mandatu a sos Responsàbiles de sos Servitzios Tènicu-Manutentivu e Finanziàriu pro sa predisposizione de totu sos atos amministrativos-finanziàrios netzessàrios pro sa partetzipazione a sa mediatzione de sa cale si tratat.

PARRE DE REGULARIDADE TÈCNICA

In cunforma a s'art. 49 c.1 de su T.U.E.L. su Dirigente/P.O. **MACCIONI LUCA** in data **28/01/2021** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **28/01/2021** at esprimidu parre **FAVORÈVOLE**

Su Presidente
Sìndigu DOT.RA CATTE LUCIA

Su Segretàriu Generale
DOT. CARTA GIANCARLO

NOTA DE PUBLICATZIONE N. 32

In cunforma a s'art. 124 de su T.Ù. 267/2000 su Responsàbile de sa Publicatzione **DOT. CARTA GIANCARLO** atestat chi in data 28/01/2021 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositzione de lege in vigèntzia.

Traduzione de s'operadora de s'isportellu linguìsticu de Romana
Maria Leonarda Correddu
